

嘉慶廬州府志

廬州府志卷四十一

賜進士出身廬州府知府溫陵張祥雲主修

列女 義烈二

國朝

生員張燭妻杜氏合肥人年二十夫亡殉節里人爲之請旌
王羅春妻李氏合肥人嫁未期夫疾刲股至再不效夜與一
婢同懸尺組家人驚救之婢生而氏已死矣里人刻石以
紀其烈

劉勗妻方氏李成遠妻王氏武舉趙蘭妻王氏合肥人俱殉
內以療其夫劉李兩婦復以節著

陳忠妻李氏合肥人年二十守節撫孤孤殤氏投水死

黃承業太倉人妻張氏名玉德合肥人承業贅於肥婚後歸省病亡氏聞投繯以殉時年十九

監生徐乾妻吳氏合肥人夫亡不食死乾子震元妻倪氏年十九而寡孫烜妻羅氏年二十九而寡俱甘貧苦節

龔紹渤妻吳氏合肥人嫁未三月夫故絕食而死

王景燦妻董氏合肥人夫病甚氏盡割臂肉療之臂脫遂死沈夢雲妻楊氏舒城人年二十二雲故氏自經死撫院具題

請旌

臨淮周維先妻趙氏舒城人夫故氏自經以殉

高明令張國城妾王氏名璇玉舒城人夫亡吞金死

朱子才妻胡氏廬江人孀居六載遭強逼自縊死乾隆二十

二年請旌

余達遠妻錢氏無爲州人舅任武昌司理隨鎮帥至江寧大
淳關兵譟逼舟氏知不免從容投江死時年二十

陳子仲聘妻朱氏無爲州人未嫁仲殤陳爲其子叔更納采
焉親迎前一日女覬敗投水死

童師聖妻朱氏無爲州人順治戊子賊破州城氏乳數月孩
納懷中縫其衣閉門自縊死

生員沈可釗妻張氏無爲州人戊子寇亂官兵至大索婦隨
姑避鄰壁中爲所獲因跪祈曰姑老疾幸釋之吾家有秘
藏當引君恣所取兵隨往見藏爭攫婦乘間入寢室以稚
子屬老婢自經

謝桂女無爲人許字王道道歿女往奔喪不復歸一日母稱病篤給至家已私約媒妁矣令鰥魚款媒女喻意於母曰此魚可憫柰何必令之死也從容入房櫛沐著王家原聘衣裝密縫之坐帷中縊死雍正五年請旌

劉有紳妻謝氏無爲州人紳卒遺二子俱殤遂不食死

蔡常勳妻董氏無爲州人嫁未一朞夫病羸氏抱持供湯藥者數年常勳兄素無行知弟必不起敦逼改嫁夜投水死時盛夏顏色如生

季仲千妻曹氏無爲州人年二十夫亡氏以身殉

黃瓚妻吳氏無爲州人夫死氏年二十四族人逼令改適不從強之氏啟後扉投水死

張冤妻陳氏巢縣人年十九而孀守遺腹子十年父病歸省姑亦旋病氏剗臂作羹分烹以進筋斷血暈而卒

以上康熙志

熙志

邑庠生蔡機妻金氏合肥人機死氏年二十八無子誓以身殉平昔工書畫盡付火遂絕粒旬餘家人乘昏憤飲以參湯既甦不變初志更延數日垂斃又潛飲以參終不變積二十八日而死年二十八

蔡調和女合肥人許字劉智未嫁而智歿女聞訃遂絕粒閱十六日死室中香氣殮後乃息

蘇慶甫女合肥人許字劉德之長子未婚而婿夭女聞訃自縊死

方永芝妻宋氏合肥人芝貧贅於宋不二載芝病氏晝夜泣侍芝食亦食芝不食亦不食芝歿以贅時衣飾盡納棺中絕粒十五日沐浴端坐而逝年二十二鄉人構祠祀之汪曾三妻聞氏合肥人姑病常刲股療之夫病兩刲股弗效及歿日夜號哭至葬睛枯流血葬畢遂絕食邑令李親往勸之不易氣將盡姆爲之浴復甦積十五日死

高繼國妻陸氏合肥人年二十二夫死矢節不移事衰姑至孝父風之嫁不從媒計劫之氏覺給曰俟歸別姑拜夫墓及回漿紉姑衣夕侍姑寢泣告以故姑嚔唯應之而已夜半姑睡熟著敝衣跪而自縊鄉人哀之請於縣令勒石墓

上

蕭元秉妻賈氏合肥人母王氏苦節二十餘年元秉嗜學成疾卒氏遂勺水不進謂母曰母苦節女不能奉母然終不敢玷母也竟死焉

黎鳳文妻羅氏合肥人年二十一夫貿易溺水死氏聞訃迎喪禮葬畢絕粒十六日死

周宗武妻朱氏合肥人年二十三夫死矢志奉姑姑病嘗割股療之及姑歿遂絕食七日死

丁元凱妻湯氏合肥人夫亡氏年二十一矢志撫孤後三子相繼歿氏遂絕粒死時年四十七歲

朱吉士妻張氏舒城人少寡守節撫二子一女縫紉自給同伴婦忌欲去之一日計迫甚氏度不免遂自剄死

生員闕廷賢妻王氏舒城人夫死自剄死

徐君仲妻劉氏舒城人君仲死氏年三十二里豪賄媒娶之氏聞於夫柩前自縊死里人葬之勒石表其烈

奚某妻晉氏舒城人夫歿族人欲奪其志氏度不免遂自縊死

生員宋又郊妻鮑氏舒城人又郊赴鄉試卒於旅邸氏聞絕粒死

方肇祥妻任氏舒城人肇祥以喪子哀感成疾疾篤氏潛自製歛具復吞針數枚以示必死及肇祥死歛後遶絕粒衰經皆重襲曰吾爲姑百年後服也邑令聞之親往勸之不應餓十二日死氏年二十三

宋又禮妻王氏舒城人歸宋二年而寡絕粒十三日死邑令表其墓曰貞骨埋香

孔席珍妻沈氏舒城人夫死投繯以殉家人覺救之不死閱半載防稍疎卒自縊死

郭宗玉妻衛氏舒城人歸宗玉未一載宗玉歿氏自剄死
丁際昌妻李氏舒城人夫被誣畏罪逃匿役捕之逼氏無狀氏曰吾不能爲夫雪冤肯受若輩侮乎投井死

張十甫女廬江人年十七未字父爲無賴子所毆女隨母奔救無賴詬之語不潔女憤激自經死十甫貧且懦不能直其事里人哀之爲立碑曰天壤之間正氣難滅千古以來臣忠女烈般身成仁捐軀見節憤貫長虹光爭日月不散

英靈化爲碧血時康熙二十八年也女死後里中每聞哭聲題碑後乃止

張希獻妻方氏廬江人希獻歿氏青年守志有惡少某入室調之氏厲聲呵叱以拒惡少遁去氏憤激誓不復生囑其弟元璽爲撫遺孤絕粒十日而死族叔方期猷爲作貞烈傳行於世

宋束初妻汪氏廬江人年二十三夫死家甚貧子甫三歲父母將改嫁之氏泣謂鄰媼曰存孤吾職也全節尤吾職也吾不能兩全矣遂赴水死

童文成聘妻卞氏名煥姑無爲人文成年十六病卒女聞訃矢志守貞其父復許字某氏媒灼以聞于女女不語澣濯

入幃自縊死雍正十年請旌

吳元允聘妻張氏無爲人元允性佞佛披薙九華山女守貞
誓不他適長齋二十餘年間元允死乃閉門自縊族人感
其義歸葬祖塋側

葉子謙妻陳氏無爲人年二十餘夫故氏絕粒死

童文炯妻王氏無爲人炯卒氏年十九俟殮畢著衰麻自縊
死州牧胡良佐勒石表其墓

錢子福妻伍氏夫死氏年二十六矢節不二錢有叔不利其
守囑翁姑勸改適不從思以計奪之氏恐不免遂自縊死
宇自雄妻黃氏無爲人世爲農年十七歸宇夫病侍湯藥數
年不怠及夫死氏乘閒自經於夫棺前屈雙膝俯地麻衣

廬州府志卷四十一
長跪若拜獻狀州守李廷煥親祭之

王應標妻孟氏無爲人年二十三夫亡視殮畢絕粒十一日至柩前一慟而死乾隆二十八年請旌

王太初妻徐氏合肥人家貧夫出不歸苦守二十年竟餓死郭振華女巢縣人幼許字黃萬正萬正貿易外省數年不歸人傳其死時女年已二十四矣親族欲其改適女聞之誓死不從父母以女無托復許字袁姓親迎有日女知閉戶投繯而死雍正七年請旌

趙士玉妻英氏巢縣人年十八適士玉士玉久染瘋疾氏入門奉湯藥八年如一日士玉死氏持喪服闋遂絕粒十五日而死乾隆十三年請旌

史子明妻孔氏巢縣人年二十適子明生子四歲夫貿易溺死氏聞訃投繯死年甫二十五歲雍正七年請旌

任紹周妻郭氏巢縣人適紹周四載夫病死氏視歛畢卽絕粒十五日死時年二十四歲雍正七年請旌

剛啟元妻陸氏巢縣人夫病篤氏以死殉及剛死匝旬氏亦死

文學沈策之僕婦謝氏無爲人策母湯氏待下有恩忽病篤謝氏年三十餘每夜焚香祝天祈以身代隨割股肉作羹和藥以進湯病旋愈番禺令楊公交泰記之

以上州縣志

儒童李廣圻妻奚氏舒城人年十八于歸甫三載夫歿氏絕粒三日自縊以殉康熙五十六年請旌

蕭敬忠妻許氏舒城人年十七于歸未幾夫病氏刲股和藥
勿效及歿氏年二十四哀號十四日自縊死乾隆四年請
旌

何志厓妻陳氏廬江人年二十二夫亡治喪畢哀囑其叔奉
事翁姑遂絕粒不食死乾隆五年請旌

錢崇北廬江人妻王氏桐城人年十八夫亡水漿不入口者
六日夜起至夫靈前投繯殉節乾隆七年請旌

呂之源妻李氏無爲人年二十四歲夫故遺腹生女又不育
氏泣曰公姑有兩伯兩嬭足以奉養余將從夫地下矣觸
牀柱死乾隆十年請旌

生員李書妻陳氏合肥人事翁暨繼姑極孝一夕盜入室執

氏索金幣捶擊如雨氏詈罵不屈死時年二十九乾隆十二年請旌

徐某妻葛氏合肥人夫死姑欲嫁之氏自縊死乾隆十四年請旌

李某妻楚氏合肥人夫死族人欲奪其志氏慮不免自縊死乾隆十六年請旌

劉正魁妻吳氏合肥人年十九于歸正魁貿易死于外樞返氏痛絕復甦勺漿不入娣姒勸之氏曰我上無公姑下無子女以死從夫分內事也自刎死乾隆十九年請旌

朱有福妻周氏無爲人里有強暴欲污之不辱自縊死乾隆二十八年請旌

張景純妻陶氏舒城人有無賴嚴之自縊死乾隆三十二年
請旌

張大綸妻湯氏巢縣人年二十二夫亡無子殯後絕粒十五
日死乾隆三十四年請旌

吳尙義妻蔡氏合肥人年十八歸二十二夫客死南省氏
聞耗誓以身殉速柩返葬畢閉戶絕粒數日自縊死乾隆
三十七年請旌

楊建由妻胡氏廬江人因爲強暴所逼不辱自刎死乾隆四
十年請旌

儒童郭呈舉妻鄭氏合肥人年二十四夫故絕粒九日死乾
隆四十二年請旌

張成聘妻闕氏舒城人未嫁成遠賈死氏聞耗自縊死乾隆四十三年請旌

錢永松妻杜氏無爲人年二十六歲夫疾革氏泣日有長伯在翁姑幼子有賴惟願從死而已及夫歿遂赴水死乾隆四十五年請旌

生員倪國達妻徐氏合肥人年二十四夫沒衣衾經周身縫紉語娣姒曰我不幸喪夫今不及待三年喪又不克終事姑嫜我死卽以麻衣殮遂絕粒死乾隆四十八年請旌
汪某妻王氏廬江人有惡少以言戲之遂自縊死乾隆四十八年請旌

劉素川妻張氏合肥人夫傭於外同村有無賴子出語褻狎

氏聞捐軀明志乾隆五十一年請旌

張含萬母穆氏廬江人有惡少挑之羞忿自縊死乾隆五十

四年請旌

張某妻季氏無爲人遭強暴將犯之不從投水死乾隆五十

六年請旌

李永宗聘妻何氏巢縣人未嫁聞永宗死投河以殉乾隆五

十七年請旌

吳應時婢名香孩合肥人有無賴子以言戲之羞忿自縊死

嘉慶元年請旌

以上府案

張大業妻郭氏合肥人年十九夫病刲股療之不愈絕粒死

楊向榮繼妻劉氏合肥人年二十一夫死已絕粒五日矣適

姑病強起侍疾逾兩月姑亦歿氏遂赴井死

范果妻徐氏合肥人夫病割股願以身代及歿治喪盡禮葬畢遂絕粒死年二十八

孔璵妻左氏合肥人乾隆十七年璵館三河鎮暴卒氏聞變絕粒死年二十二

某氏婦家三河鎮值歲荒其翁姑不能自存欲鬻其長媳氏前請曰姒年已長不如鬻我可多得值也翁姑然之氏登輿去中途自縊而死藏書懷中日媳以公姑之故不得已貽害某氏子使彼亡人失財已成罪過萬勿藉媳之死更萌他志也聞者哀之

孫某妻某氏夫死其兄逼氏改嫁不從投水死

蔡又時妻龔氏合肥人年十九夫歿氏慟哭而死

方大齡妻潘氏無爲人年十九夫逝遺腹生子家苦貧舅姑欲奪其志氏矢死不從里有強暴懷刃欲刺其子以逼氏氏日納兒於米櫃局其鑰夜則局踣櫃中乳兒三年強暴死始出兒於櫃辛勤紡績十指幾穿事舅姑終養逮兒畢婚乃曰吾將下報吾夫矣遂絕粒而卒

洪萃一妻劉氏無爲人夫早卒氏矢死守節一日洪絀以歸寧實已潛嫁里人戴某矣氏大詬誓死不從戴強留之氏忿抽簪自劓其鼻血流滿面戴使人守之乘間投繯而死庠生楊芳妻後氏無爲人年二十六芳卒誓死殉夫投繯至再姑救之避諭以撫孤爲重未及一載遺孤歿遂絕粒死

陸玉田女無爲人年二十六夫孔蓬海家貧一日誘氏入城將賣之比夜投水死

周作楨妻倪氏無爲人夫亡氏年二十六家貧無依密縫衣裾赴水死

鍾春茂妻張氏無爲人乾隆乙巳大飢夫強氏改適夜赴水死後家人得其尸面如生衣裙縫紉皆遍

鍾光祖妻徐氏無爲人光祖歿於水氏年二十盡焚嫁衣不食十日死

羅某無爲人妻王氏合肥人年二十夫死家極貧有覲其嫁者一日遣子外乞縱火自焚死子歸於灰燼中得尸歛棺瘞之有鄭某收養其子逾年氏弟佐忠取以歸

劉良廣聘妻宋氏無爲人自幼歸劉未成禮良廣卒嗣續無人氏絕粒七日死

唐永坦聘妻胡氏名煥姑無爲人永坦少嬰疾不慧父母俱歿女父亦早逝及笄母欲改字女不從赴水死戚里哀之勒石誌諸墓

張葛勝女無爲人許字王美高子因貧童養乾隆丙午歲大飢翁與父計將女改字議成女知之固請歸辭母暮返母遣幼弟伴送給弟回投水而死時年十三鄉人異之

徐允鏊長女含山人幼許字無爲州孫大琪未娶大琪卒女年十八聞訃欲奔喪父母禁之絕粒十四日卒含邑人爲進主於運漕鎮貞烈祠

廬州府志卷四十二

賜進士出身廬州府知府溫慶祥主修

列女 完第一

宋

包纔妻崔氏冷肥人纔樞密副使拯之子早亡惟一稚兒拯夫婦意崔不能守使左右察其心崔蓬垢涕泣出堂下見拯曰翁天下名公也婦得齒賤獲執澣滌之事幸矣生爲包婦死爲包鬼誓無他也其後稚兒亦卒母呂自荊州來誘崔使嫁其族人因謂曰喪夫守子子死孰守崔曰昔偕非以子也舅姑故也今舅歿姑老矣將舍而去乎呂怒詛罵曰我寧死此決不獨歸須爾同往崔泣日到荊州儼以

不義見迫必絕於尺組之下願以屍還包氏遂偕去母見其誓必死卒還包氏宋熙寧間封永嘉郡君封表門閭學士蘇軾撰勅曰勅崔氏汝甲族之遺孤大臣之家婦夫亡子天榮然無歸而能誓死不嫁撫養孤弱使我嘉祐名臣之後有立於世惟汝之功衛世子早死其妻自誓詩人歌之韓愈幼孤養於嫂鄭愈喪之期若崔氏者可謂兼之矣其改賜湯沐表異其所后以風遠郡國使薄於孝弟者知所媿焉

明隆慶志

元

高仁妻張氏合胞人至順二年

節旌

康熙志

明

陳順妻方氏合肥人年二十一夫亡以禮殯葬不復茹葷孝
敬翁姑三十年庭無間言天順元年詔旌之

京兆伯宋國興妻曹氏合肥人國興戰歿曹守節詔旌之封
貞烈夫人

袁昱妻萬氏合肥人昱卒萬時二十無出紡績度日奉侍翁
姑誓不再適守節五十七年宏治元年知府李崙上其事
旌之

鮑綱妻孫氏舒城人年二十四歸綱事舅姑至孝再期而寡
居喪茹素終身不御膏沐壽七十

國子生孔詢妻何氏舒城人年二十二歸詢生子七日而詢
卒或欲奪之何理詢髮爲繩繫臂曰奪吾志必斷吾臂去

吾繩而後可以死自誓卒年八十餘

倪景四妻周氏無爲人年二十喪夫遺腹生子靖斷髮誓守
正統四年旌

王用廣妻嚴氏無爲人年十九適用廣廣卽世二子瑛瓚皆
在襁褓嚴甘貧守節踰三十五年成化七年詔旌表之後
以子瓚貴贈孺人

湯智妻曾氏無爲人年二十七夫亡子宗勝甫一歲貧苦紡
績終養舅姑宏治七年旌

葉榮妻趙氏巢縣人榮卒矢志不二居舅喪盡禮事姑汲氏
尤孝壽八十餘永樂十四年詔旌之

例貢謝恩妻林氏巢縣人年二十七夫亡一子方六歲氏哀

毀喪明聞者流涕嘉靖七年詔旌之

張禮妻王氏巢縣人禮行商暴卒氏年二十六事姑孝養撫子成立守四十餘年天順六年旌

孝子鄭杲妻張氏合肥人事姑丁氏盡孝正德九年杲卒於墓所氏時年二十七無子紡績度日姑卒殯葬盡禮守節四十二年

順孫鄭梁妻朱氏合肥人正德十六年梁卒氏年二十八撫育一子鄭熙年五歲孝養祖姑袁氏姑張氏備歷艱苦守節四十一年

以上明隆慶志

生員王治妻羅氏合肥人治負雋才二十四歲卒氏與同齒遺孤在抱矢守不二其娣王浣妻徐氏亦苦節三十餘年

同室雙婺祇節金石閭里並舉以聞詔建坊郡縣題其額
曰雙貞並美

李方膺妻陳氏合肥人進士文郁之母也方膺年三十卒於
旅邸氏匍匐歸其喪姑歿舅老病民事之盡孝一日夢中
若有聞曰亟易乃翁寢處驚而起扶之別榻臥室旋傾聞
者咸謂節孝所感壽至八旬享祿養者十有餘年

龔銓妻王氏合肥人夫亡氏年二十八撫子濂甫四歲及濂
長娶陸氏濂又沒陸年二十七撫子承先兩婦誓守形影
相弔後承先領鄉薦孫萃肅以待御爲兩代請旌當世榮
之

生員李大儒妻朱氏舒城人年二十五夫亡無子足不出閭

數十年未嘗歸母家宗族中亦無見其面者

胡福妻史氏舒城人福死遺腹子未產有欲奪氏志者旦日車輦且至氏夜服男子服走歸母家強暴者不得逞卒依外家產遺孤孤年十六始歸本宗氏年九十卒

省祭程科妻栗氏舒城人年未三十夫亡氏矢志不移撫愛前妻子希道過於所生鬻簪珥市書籍教之佐以紡績後希道成進士母得旌建坊

監生盧炬妻劉氏廬江人年二十五夫亡無出嗣一子復殤守節數十年

陳元道妻周氏廬江人年二十而孀蕭條四壁守節至七十七歲郡縣上其事予旌

朱謙妻劉氏無爲人年二十六而寡子勝日妻倪氏亦少寡
先後俱以節著謙曾孫萬春官御史具疏以聞詔旌之

儒士李可敬妻蔣氏合肥人二十而孀織紵供舅姑甘旨課
子光元爲諸生孫當泰舉於鄉壽至八旬

以上明崇禎志

李箕妻胡氏合肥人氏年十六適箕十八而寡撫孤收春弱
冠遊庠卒又撫孫可培成立鄉賢蔡尙寶悉有詩贊之

王一龍妻李氏合肥人年十九夫沒矢志柏舟後七十餘見
子孫俱遊庠序其曾孫媳李氏亦以孝聞

中丞許如蘭合肥人側室劉氏燕人也中丞歿氏年二十七
晨鍼暮績課子裔衡後及見其孫孫荃登第

汪鉞妻高氏舒城人鉞早亡氏以哀毀遽卒遺言必合葬夫

墓家人以其無子別葬之每夜庭中輒聞號泣聲後合葬乃止

郝延美妻徐氏舒城人年二十夫暨子相繼死獨處五十年人無間言

潘朝良妻李氏舒城人年二十五喪夫守節四十餘年卒子流光廬於墓所廬旁產紫芝二本

省祭余宦妻朱氏舒城人年二十四夫故守節罄筭篋所有奉舅姑依母家以居雖女件罕見其面

黃廷輔妻楊氏舒城人年二十五夫亡子幼守節五十餘年蕭輔妻何氏舒城人年二十七夫死七日不食垂絕復甦撫兩孤後俱成立

生員王泮母葉氏舒城人年二十二守節晚見子孫成立壽九十

舉人芮春榜母楊氏貢生李寶樹母邱氏趙完璧母何氏俱舒城人以苦節稱

楊自修妻王氏舒城人早年守節壽八十餘

生員張桂芳母汪氏舒城人年十七守節五十年不出戶外後病危桂芳延醫診治氏云吾寧病死豈可近醫人手乎遂卒桂芳女適祝綏亦以節著

潘晉吾母宋氏舒城人年二十而寡晉吾其遺腹子也既長服賈以養母壽至九十餘

胡景裕妻解氏舒城人年十九景裕病危囑令改適氏號泣

不從撫子其傑長遊成均

生員任天性妻鄒氏舒城人天性卒氏年二十七侍孀姑撫嗣子用世康世茹苦四十餘年

黃道遠妻胡氏舒城人年二十三守節壽終八十

劉鼎寶妻張氏舒城人早孀守節三十餘年

汪孝芳妻尹氏舒城人年少而寡遭亂母子散失後得重聚年至八十餘

生員濮允銘妻任氏年二十王章母曾氏年二十五何秩母周氏年二十二李世芳母周氏年二十一俱舒城人皆夫亡守節撫孤成立

郭維可妻史氏舒城人年二十一而寡每哭淚盡流血始育

一幼孤晚乃見六孫繞膝焉

方崑妻吳氏舒城人崑死時氏年十九撫遺腹子見其成立壽至八十

湯任妻湯氏舒城人年二十守節家貧資女紅訓子業儒年垂八十而卒

通判祝可立繼妻許氏舒城人可立卒于官氏年二十孤嶽甫二歲勵操課子不墜家聲

郭皆妻傅氏舒城人皆亡氏年二十四妾徐氏年二十二家貧共撫幼子科晝耕夜績卒年俱七十

陳宗舜妻胡氏舒城人年二十二宗舜沒事姑病經年無倦容撫三子後俱長成壽九十餘無疾終

周命臣母李氏舒城人年二十四柏舟自矢教子成立

朱燦妻許氏舒城人年十九茹苦育孤卒逾八十子學孔學明廬於墓側時稱一門節孝

汪麒妻劉氏舒城人夫死撫孤五十餘年

郭科妻駱氏舒城人年二十七科歿事姑鞠子言不出柩

祝宇晉妻王氏舒城人年二十夫亡常欲以身殉撫孤履元至成立後無疾而卒

方衡妻翟氏舒城人夫亡勵節逾三十年卒

李名我孀母某氏舒城人年二十夫歿設位事之如生六十餘年未嘗踰閭人無閒言

王誠母楊氏廬江人年二十二而寡遺腹生誠稍長就傅氏

躬紡績以爲膏火資苦節五十年居有常處動有常法壽踰八十

施清母某氏廬江人夫戍柳州氏隨往夫卒氏年十九清尙未週歲卒伍中多欲娶之氏矢死不二無何同鄉戍婦有歸里者乃負骸骨與之偕行得歸葬後鄉里欲上其事清以白母母止之曰此婦人常事耳奚請焉

陳葵妻章氏廬江人年二十五葵歿無子一女在襁褓夫弟蔡逼其改醮誓守愈堅知府馬金賚米帛獎勞仍加蔡罪人其快之

孫鸞妻徐氏廬江人年二十三夫故子暘甫三歲家人謀令改適泣告曰苟再迫者有死而已衆嘉其節

錢朝鵬妻黃氏廬江人鵬性孝遭疾以歿氏仰事俯育食貧守節四十五年如一日

周儒妻鄒氏廬江人年二十四無子爲儒置妾胡氏及期生子概甫周歲儒病歿鄒與胡誓相守祇節育孤族人屢欲奪其志至形於訟二氏矢志益堅當事嘉之概旣婚生子四人而卒三孫俱夭惟季以重存二母晨夕籲天以重長遊邑庠鄒胡俱以壽終

邢鄴妻孫氏廬江人年十八喪夫撫子恩武長娶媳孔氏生二子恩武歿孔年二十姑婦共矢冰霜數十年孫壽過八十孔亦年六十餘卒

徐敏應妻丁氏廬江人年二十守節事聞得旌

詹天瑞母楊氏廬江人年二十夫亡矢節撫孤子以孝稱
生員朱應期妻朱氏廬江人年二十夫亡子幼矢清白者四
十餘年

楊鳴所妻賈氏廬江人年十九夫卒親戚屢勸他適氏勵志
守節年六十卒

朱宏正妻芮氏廬江人年十八矢節撫孤垂五十年

姚泰妻陳氏無爲人泰病篤刲股和粥進之不效剪髮以殉
時年二十守節五十餘年

曹邵妻齊氏無爲人推官敬長女也邵亡齊尙少撫二男珉
珉後俱早卒媳朱氏郝氏奉姑矢志靡他教諸孫尤嚴齊
卒年七十餘朱郝並逾八十嘉靖二十三年按院給姑婦

三節額

楊安妻林氏無爲人年二十五安亡子鎮五歲林號泣兩目俱盲後氏卒同知張濟作詩挽之

周大文妻洪氏無爲人年十九夫亡貧甚撫孤敬寵卒以成立

陳華妻楊氏無爲人年二十四華卒所遺子女俱卒有謀娶者毀容刺目絕之家素貧業女紅度日母家或歲時供餽亦不受萬歷二年旌

蕭振恩妻趙氏無爲人年二十一夫亡子大奇甫七月氏斷髮去飾雖母家無大故亦不往五十餘年如一日焉太守曾如春州牧陳嘉賓相繼旌之

錢理妻馬氏無爲人夫亡子缺方在遺腹家又極貧喪終姑欲奪之自縊幾絕姑不復言始飲食如常卒年七十九

謝講妻倪氏無爲人年十九生男應龍講卒毀容誓守上事祖姑下育孤穉龍娶後兩目病瞽氏與媳劉氏辛勤相守四十餘年

贈工部主事劉嵩妾高氏無爲人年二十六守節以老疾終萬歷三十五年旌

劉龍光妻曹氏無爲人年二十二守節萬歷間旌

張文光妻王氏無爲人年十六未嫁值姑病篤氏侍湯藥夜割股肉進之隨愈及夫卒氏甫逾二十守節終身

黃爵妻康氏無爲人年二十二夫亡貧不能給歸養於兄康

衢卒年八十四

汪榕妻李氏無爲人年二十一守節撫二子瓊瑛壽九十五
趙維賢妻吳氏無爲人年二十六守節州官每歲給稻二石
養之終身

生員郭杰妻沈氏無爲人十八而孀家貧苦節壽八十五
畢映日妻劉氏無爲人年二十七夫亡一子甫週歲族人欲
奪其志誓以死守

劉官妻某氏無爲人夫死氏年二十七足不逾閭壽八十餘
趙世龍妻蔣氏無爲人年十八守節竭力撫嗣子文瀾課讀
里中無不賢之

楊綱妻鍾氏無爲人綱歿時年二十餘子死姑亡貞操愈勵

章廷象妻劉氏無爲人年十九廷象卒屏處一室不履中庭者六十餘年子華國以孝聞

李良尹妻鍾氏無爲人早寡方嚴守禮年至七旬

生員李方嘉妻呂氏無爲人年二十二夫亡無子嗣一子苦守五十餘年

朱勝魁妻張氏無爲人年二十八魁病篤割股救之不起撫二孤極艱辛雖母家亦不輕往年七十餘卒

袁廷謨妻邢氏無爲人二十五歲夫亡與妾夏氏共撫遺孤自昂時稱雙節州牧孫慈旌其門

李良部妻陳氏無爲人年二十四夫亡撫孤應榜成立氏病榜夜視天割胸肉爲湯以進是夜室中有光妻起視見有

神掖之里人上其事於州

劉汝莊妻李氏無爲人事姑甚孝姑病湯藥非氏進不嘗至視含猶抱持哀慟未幾夫亡歲祲拾菰米自啖而以女紅易粟供塾師訓子媵何氏亦馴其德冰霜凜然

齊先修妻楊氏無爲人年十九守節事姑撫三歲子國仁迄於成立

高應嶽妻楊氏無爲人年十九夫死氏數日不食剪爪髮以殉撫子日昇守節五十餘年

呂錫妻張氏無爲人年二十二夫亡兩子竝未離乳辛勤鞠育壽過八旬

生員章斐然妻許氏無爲人年二十一矢節卒時七十九

李于業妻黃氏無爲人年十九夫亡遺二歲子大安遺腹子
大定家貧苦節卒年八十四

楊大楫妻齊氏無爲人年二十夫亡紡績養姑姑亡殯送盡
禮年五十餘卒

金華知府劉汝佳無爲人妾上官氏燕人納於宦邸劉卒氏
年二十三自閉一室三年不見日月妾鮑氏生二子而死
氏爲撫育延師課之長家歲貢次必副鄉榜氏年七十八
無疾誦佛號而終

畢應日妻劉氏無爲人年十八夫亡矢志撫孤卒年八十
生員曹開順妻張氏無爲人年二十八願死無子以弟顯之
子嗣家甚窘餓績奉姑語不聞閭外

吳廷選妻金氏無爲人事姑育子苦節六十餘年卒年九十
六萬歷開旌

劉廷震妻姚氏無爲人震死於賊氏年十九聞變觸階死而
復甦抱嬰兒徒跣遶城尋得震屍一痛幾絕父病衣不解
帶舅病祝天願以身代數十年荼苦如一日

張琥妻向氏巢縣人夫卒奉姑三十餘年孝敬不衰撫三歲
孤蒙惠成立正德間旌

葉永秀妻許氏巢縣人年十八婦居無子撫猶子道遊邑庠
守節六十餘年

陳密母楊氏巢縣人年二十六而寡以苦節旌

鍾世良妻趙氏巢縣人二十七歲夫死撫姪瑤紡績以供餽粥

年七十五卒

俞再興妻楊氏巢縣人再興南安侯六世孫也二十而卒閱三月生子嘉允長娶方氏生孫承宣甫二歲嘉允又歿姑媳兩孀相依苦守楊年七十餘方逾九十

周廷棟妻歐氏巢縣人年二十五夫亡子未兩月貧居五十餘年教子道遊邑庠

王亨妻唐氏巢縣人年二十三歲亨卒事姑甚孝撫遺腹子錫長爲諸生苦節四十年

周諸妻方氏巢縣人夫卒氏年二十一有巨姓求娶氏聞自縊垂絕復甦撫孤子述數十年苦節如一日

姜洲妻張氏巢縣人年二十七夫死二子寒寵尙幼苦守四

十年

呂文邦妻王氏巢縣人年十九而孀子松纔兩月苦節五十餘年

張承芳繼妻王氏巢縣人夫病危以其年少無出遺命他適氏以死自誓膳田爲眾子所鬻卽茹淡持齋絕無怨言年八十一終

張枝新母陶氏巢縣人年二十五夫亡遺腹生枝新辛勤教養後枝新宦成尙及祿養壽九十

生員曹祖訓母單氏巢縣人年二十一歲夫死撫遺腹子年近七旬

楊鴻功母李氏巢縣人夫亡年二十子甫五月苦節數十年

鴻功爲其母撰苦貞錄

剛念劬母李氏巢縣人年二十而孀壽至八十家業梟鎮童叟皆稱爲剛節婦

剛繼先妻閻氏巢縣人年二十二喪夫教子成立竟以苦節起家

生員陳琛妻王氏巢縣人年二十二守節撫遺腹子嘉修子亡又撫其孫壽八十餘

曹天問母閻氏巢縣人守節四十餘年

鮑宗稷妻汪氏巢縣人年二十九歲守節亂後備諸艱苦年逾七十

秦都雍妻張氏巢縣人貢生秦文燦之母也夫死事孀姑至

孝育遺孤成名按院旌其門曰

胡伯勝妻梁氏合肥人壬午城陷夫被賊傷婦年二十八流離顛沛矢死撫孤年至八十

上醒吾妻孫氏合肥人年二十九夫死於賊流離顛沛矢志柏舟茹荼撫孤年八十四卒

生員程得孔妻鄧氏合肥人年二十五夫故歲大饑氏出粟賑荒存活甚眾守節撫孤壽六十七終子汝璉以孝友重於鄉黨曾拾遺金四餅訪其人還之

儒士蕭庭秀妻朱氏合肥人年十九夫歿守節壽九十三元孫嗣奇己丑成進士子孫儒業相繼

王三省妻曾氏郭和字妻靳氏俱舒城人夫亡守志撫育幼

子皆能成立

何應圖妻周氏舒城人夫卒時氏年二十二遺三子一女氏矢志撫孤家貧恤緯教子後子天秩爲名諸生氏年七十餘

李憲妻周氏舒城人年二十一憲亡遺孤世芳甫四歲家貧苦守勉以力學世芳十九歲入泮氏年七十有五卒

胡友貴妻方氏舒城人孝事公姑夫歿守志壬午寇變攜二子流離困苦完節數十年得見子應時孫三正成立卒年八十五

姚天與妻陳氏舒城人夫死無嗣氏營葬畢削髮茹素自葢茆屋題曰節庵供佛誦經年七十卒

張懿妻唐氏廬江人年二十四夫亡守志奉孀姑教二子皆成立邑令旌之卒年五十六

許越妻朱氏廬江人年十九夫亡遺孤可芳甫三歲守貞訓子苦節六十六年

季廷俊妻孔氏無爲人廷俊早亡氏年方少誓不再適遺腹生子仕寬鞠育周至時季氏自宋元來尙同居至是分析田產人競取其豐腴者氏止受瘠田數畝曰吾子尙幼雖多藏將焉用之有族姪某資甚富誤毆族人致死鳴於官季族惟氏序最長一言可以活罪因出錙餽氏乞全其生氏曰安用此暮夜之金爲却之乃謁長吏白其事罪得釋後仕寬生五子支派蕃衍爲州望族皆由氏節操之所致

方啟亨妻劉氏無爲人夫亡氏年十九勵節撫孤年至五十
八州守李春華旌之

秦汝義妻楊氏無爲人夫卒氏年二十二守節三十四年州
守史應選旌之

生員沈鍊妻陳氏無爲人夫卒氏年二十三苦操五十餘年
州守李舒芳旌之

周應遜妻徐氏無爲人年十九夫亡生遺腹子尙教氏誓節
撫孤勤督耕織久之家漸豐遇歲饑出米賑其鄉人人咸
德之州守羅之梅旌以額卒年八十二

張承祖妻沈氏無爲人年二十夫故撫孤苦節三十餘年
閭文明妻陳氏無爲人年二十六夫故生子士遇甫週歲撫

孤苦守歷十三年攝州事巢縣令甯承勳旌之

鮑丹浦妻濮氏巢縣人年二十八夫亡堅貞守節秉質莊肅持家儉勤能拓夫業子二人皆成立長國學名宗稷次生員名宗伯氏年七十餘寇陷城被殺里巷哀之

生員李應榮妻剛氏巢縣人年二十七貧苦守節教育子女動合矩度里戚咸式法焉

庠生鮑國選妻吳氏巢縣人年二十五夫死孀居四十餘年蕭世雅母高氏巢縣人年二十六夫死矢志靡他訓子成名奉繼姑能致其歡心苦節五十餘年事閭直指賜匾旌之世雅撰有慈幃苦行錄

以上州縣志

郭正乾妻黃氏潘某妻宋氏舒城人皆夫亡守節

江南通志

蔡念妻夏氏蔡世通妻孫氏蔡世筦妻袁氏蔡世綸妻王氏
俱合肥人少編習節

廬州府志四十三

賜進士出身廬州府知府溫陵張祥雲主修

列女 完節二

國朝

劉三錫妻孫氏合肥人三錫死氏年十六遺腹生子應昌未
幾翁歿姑病氏割股和粥以進昏憤中若有神告曰上帝
憐汝孝特延汝姑壽一紀姑愈應昌亦成立三錫父俞諸
生以孝稱

桂彥卿妻任氏合肥人年二十夫亡守節逾四十年

省祭王元霖妻陶氏合肥人年十九守節壽八十餘

生員趙親燕妻劉氏合肥人年十七適親燕生子師朴未週

歲城陷夫與子相繼歿遂號哭成疾死媳魯氏亦守節

林文照妻吳氏合肥人事姑甚孝孀居十餘年閨門肅然孫
宏宗癸酉舉人

恩蔭程以德妻陳氏合肥人年二十一夫卒撫孤志黽入泮
娶妻生子又卒氏與媳龔相依撫兩幼孫忠義之門再見
貞節可風也乾隆八年請旌

昂繼謙妻鍾氏合肥人年二十六夫亡撫孤紹善成進士媳
梁氏封股以愈其疾鄉里稱焉

王明還妻胡氏合肥人年二十三弟充之妻趙氏年十八夫
亡矢節趙無子爲尤難焉

何無奇妻馬氏合肥人早孀無嗣飲水茹檉五十餘年女嫁

華寬割股救姑人以爲賢母之效也

生員胡景玉妻蘭氏合肥人姑病割左股和藥以進立愈及
景玉沒矢志靡他撫諸姑後皆成立

生員劉源妻殷氏合肥人夫亡無出氏年纔二十餘源弟婦
改適所遺幼孤失乳抱而鞠之屬冰霜者四十年

徐裔顯妻鄭氏合肥人嫁五月而夫沒撫遺腹子粹長爲諸
生

薛士奇妻李氏合肥人年十八適士奇未幾夫沒舅姑相繼
殞子復天城破家亡貞操愈勵久之姑得一葬地數喪並
舉哀動里閭

生員董戒母謝氏武舉趙應丁妻韋氏王子雲妻王氏王純

子妻張氏皆合肥人俱再以剗肉療其夫與姑之病張爲女時先曾以此療父後張病復得此於十一歲之女尤爲異事謝與王皆以節稱

楊思可妻蘇氏合肥人十八歲夫死誓不改節壽至八旬殷奇逢妻張氏合肥人嫁未三年夫死姑以哭子喪明氏奉養數十年未常少懈姑亡痛絕遂抱疴不起

生員寶翼聖妻黃氏合肥人事衰姑馬恭人飲食澡浴必身親奉侍夫病刲股和藥以節聞於時

席前傑妻盛氏合肥人年十六舉子大宗前傑卒氏與孀姑同臥起大宗旣娶而天配李氏舉遺腹子萬祺三世孤嫠冰霜共守世以爲難

衛琦妻黃氏合肥人年二十三守節

王寢亨妻顧氏合肥人端重寡言笑于歸二年夫亡無子立
侄爲嗣視如己出守節三十餘年

蔡世隆妻吳氏合肥人年二十四夫亡誓撫兩孤年逾週甲
衛弁吳以仁妻劉氏合肥人年二十夫死撫遺腹子純如卒
年七十餘

生員胡舜華妻李氏合肥人年二十一齋素守節足不踰戶
者四十餘年婢雙喜感其苦節遂不嫁

沈勸明妻蘇氏合肥人二十二歲夫亡無子守節壽近九旬
胡偉節妻張氏合肥人年十八夫死守節三十餘年

蔚九如妻嚴氏合肥人嫁一年而夫沒誓死不二無兒無食

茹苦終身

呂兆熊妻沈氏馬朝極妻王氏卅四靈妻沈氏皆合肥節婦以割股療姑者

溫姓妻閻氏合肥人年二十許夫死撫一子一女於襁褓中艱苦萬狀及子死遺二孫力農以養

王羹和妻張氏合肥人夫死無子典敝衣治歛具復檢舅姑遺骸瘞之有婢採芹亦不嫁與氏相守終身焉

魏振定妻武氏合肥人幼年喪夫欲以身殉姑力解之而止三十餘年苦節如一日

孫季穀妻王氏合肥人年二十八夫亡奉姑盡孝至六十一歲卒

劉汝惠妻侯氏合肥人嫁未一載夫與舅姑俱死於賊苦節四十餘年其夫二弟從襁褓中賴以長成族人立生祠祀之

沈孝來妻張氏合肥人夫天子殤氏誓死不二

千總陳敬銘妻吳氏合肥人早孀奉事衰姑節孝俱著

黃俊卿妻張氏合肥人歸俊卿七載而孀舅欲奪其志不可後子孫繼殞泣血而終

周永燧妻侯氏合肥人茹貧苦節閱四十年媳張氏亦相隨苦節

李崇鼎妻陳氏合肥人年十八夫亡誓守逾六十年

監生蕭宏鄧妻李氏合肥人進士官行人嗣奇之季媳也嫁

二年而婦葬後廬居墓側撫彌月幼孤紡績課讀俾早成立

黃雲驤妻殷氏合肥人二十五歲守節撫其子芝裔長爲邑諸生

胡進妻陳氏合肥人年十七夫亡甘貧誓守年逾六十

馬國榮妻王氏合肥人夫病剗股療之姑病嘗糞家甚貧苦節尤著

許孫露妻高氏合肥人年二十四夫故守節四十五載生員王允倫妻朱氏合肥人年二十歲夫亡守節

趙汝抑妻陸氏年十八楊之秀妻陶氏年二十二俱合肥人夫死誓守竝稱苦節

王隆道妻吳氏妾孫氏合肥人夫亡後忍飢撫子漢弼久之漢弼又死媳羅氏年十八誓守終身

生員謝鶴昂妻方氏吳世恆妻程氏合肥人夫亡苦節事姑以孝聞乾隆八年請旌

新貴縣知縣王映妾夏氏谷肥人映鄉賢通正綱之子也卒于官貧甚僮僕俱散去氏典衣飾扶喪歸葬備諸艱苦一時稱節義云

任儻孔妻宋氏舒城人年二十六而孀冰蘖終身卒年七十五

郭維賓妻黃氏舒城人夫亡年二十八誓守兩雛卒年近八十

汪禹疏妻吳氏舒城人夫死依幼弟以居年逾七十

胡大枝妻黃氏舒城人年二十三夫死居喪避亂歷艱辛者

六十餘年

文學劉鏡若妻朱氏廬江人夫卒撫妾子如已生至於成立

終始無二

儒童李之紀妻夏氏廬江人適紀三年而紀歿氏欲從死姑泣止之遺腹生夏盛長入成均筮仕縣尹氏茹苦持家白

首完節

何大封妻阮氏無爲人夫以其貌寢疏之年十七生一子閏

月夫卒所居一茅屋不蔽風雨蓬首鶉衣者六十年

沈可悅妻潘氏無爲人年十八夫沒家貧遺孤懋成始彌月

養姑教子苦節終身

庠生傅敬聲妻吳氏無爲人以節稱

關行惠妻林氏無爲人二十五歲夫死遺兩孤及長教讀甚嚴世隆鄉薦世泰歲薦氏卒年七十餘

雍熙日妻王氏無爲人年二十四而孀撫兩孤備嘗艱苦後俱補弟子員

朱萬支妻謝氏無爲人年二十夫故遺腹六月生子合顯苦節數十年事聞蒙獎

貢生朱稽逸妻何氏無爲人朱亡氏年二十一遺孤在抱飲冰茹檠年近七旬

張我經妻邢氏無爲人事姑極孝經早卒無子守節四十年

與孀姑同臥起

陳嘉樂妻吳氏無爲人守貞教子子孫俱列庠序壽近百齡
州守匾其門曰七朝閭範

貢生朱萬祚妻趙氏無爲人節操可風壽至百歲

汪某妻俞氏無爲人十八而孀守遺腹子明相奉姑惟謹卒
年八十餘

倪國祿妻吳氏無爲人年十九苦節撫孤壽八十九

張克友妻楊氏無爲人夫亡撫遺腹子經如及長娶媳邢氏
經如又歿姑婦矢節立孫以守

張良略妻蕭氏無爲人年十九夫亡矢志不二姑病祈天願
以身代族里稱之

周凝貞妻吳氏無爲人年二十四夫亡田廬淹沒傭女工以奉孀姑姑老病齒毀婦絕其兒乳乳之冬月苦寒每臥輒親擁姑背年七十五終

朱前說妻汪氏無爲人歸前說八月而孀有遺腹子不育氏隨姑左右誓死靡他

劉廷鑑妻何氏無爲人夫亡子甫二歲家人勸令他適氏剪髮以誓勸者猶不止遂以頭觸甕蒸髮幾盡卒年四十五侯遜甫妻阮氏無爲人年十九守節至八十一歲

蔡徵隱妻范氏無爲人夫卒遺二子食貧教青年逾八十傅顯馨妻湯氏無爲人二十四歲苦節壽八十餘

庠生魏之璋妻吳氏無爲人年十九夫卒族人利其財逼令

改嫁氏不從以家貲告鎮將黃得功令助餉黃嘉其節反坐族人卒年八十

陸可畏妻何氏無爲人夫亡年少截耳誓守子光球早夭配郭氏亦以節稱

程善京妻劉氏無爲人二十六歲夫故守節終身

章一兆妻方氏無爲人年二十夫故守節

陸天和妻李氏無爲人年二十四夫亡守節

潘爾昆妻曹氏舉人年二十七夫亡生遺腹子撫之成立壽

七十三

周朝卿妻杜氏舉人年二十四守節有富民求娶之囑其母弟道意氏痛恨絕其往來自甘凍餒負薪汲水習以爲常

者四十餘年

李應孝妻吳氏巢人年十九甘貧守節年逾七十

黃應甲母楊氏巢人夫亡於寇苦節奉姑

王環妻張氏巢人年二十四守節子方襁褓撫育成立後子
亡復撫其孫

陸調字妻薛氏巢人年二十八夫亡撫幼子數歲而殤伶仃
孤苦五十餘年

李嗣昌母陳氏巢人年二十五夫亡撫子遊庠年七十終

生員周昌緒母李氏巢人年十八守節教子甚嚴迄於成立
生員蔡知閏母侯氏巢人年二十九守節知閏有弟知辰生
母孟氏撫之孟年十九與侯氏同心矢節年皆逾七十卒

生員吳士偉母陳氏巢人年二十八孀居撫孤及七十外見諸孫環侍云

彭盡妻尹氏巢人年二十一夫亡遺孤永齡及長娶妻生子而永齡又沒復撫其幼孫士有壽六十餘

王善慶妻沈氏巢人夫遭寇難屢縊皆以救免一子夭亡一女適趙某婿沒與女同居守焉

王紹綱妻嚴氏巢人綱死於寇氏年二十八家貧繼姑性厲竭勞供養年六十餘卒

管華妻王氏巢人年十九夫亡遺腹生子苦守五十餘年播爾康妻王氏巢人年十九夫亡撫子子亡又撫其孫三人皆成立

曹廷對妻沈氏巢人年二十二孀居撫孤孤歿立其族子又歿淒苦終身氏與陶之令妻同母姊妹也一赴義一守節時歸美於母教云

曹彭年母楊氏巢人夫亡乙亥寇變遺子在腹氏年十七撫之以至成人

程正國妻王氏巢人年二十守節撫幼子婚娶生孫子又夭亡借媳其守家門最爲嚴肅

吳毅母馮氏巢人年二十三夫亡毅甫四齡飢僅寇盜之餘艱苦萬狀人皆憫之

李允衡妻曹氏巢人年二十二夫亡矢志守節爲時所稱生員黃文蘊妻陳氏巢人年十九夫亡撫遺腹子越二十五

年而卒

趙咸亨妻王氏巢人年二十夫罹寇難誓以死守與寡母沈

氏同居二十五年

以上康熙志

邑庠生栗於禮妻趙氏合肥人年二十九夫死子幼守節三

十四年

庠生周祐母沈氏合肥人生祐五月而夫亡躬自織紉延師

教子苦節二十七年

巫淩明妻程氏合肥人事公姑盡孝夫死紡績課子苦節三

十餘年

儒士李成妻王氏合肥人子歸半載成染疾氏刲股療之終

不愈氏矢節奉公姑引刃自誓終身不易

王伯端妻吳氏合肥人夫早亡遺二幼子家貧苦節壽七十

一

崔九妻李氏合肥人夫死守節撫遺腹子成立縣令旌之曰
節勁冰霜

王正字妻曹氏合肥人年三十夫死極貧氏誓死守節閱五
十餘年

趙元至妻陸氏合肥人年十七夫死無子以姪爲嗣誓死不
貳後姪復亡氏守志愈堅復嗣族孫卒年六十有二

羅觀北妻張氏合肥人孝事公姑年二十八夫故守節時夫
弟及妹俱幼兵荒相繼婦養老撫幼保全一室兩叔亦賴
成立

庠生趙廷璋妻陳氏合肥人年二十八夫亡矢節翁盲婦以
鍼工供甘旨及歿竭力營喪葬姑病婦躬濯污穢數載無
倦容

高君常妻黃氏合肥人年二十九夫卒甘貧矢節

朱吉甫妻陳氏合肥人年三十夫死苦節撫孤四十六年縣
令旌以額

趙子威妻李氏合肥人年二十夫亡無子饑寒困苦四十餘
年

趙面乙側室胡氏合肥人年二十八面乙死子媳繼亡氏矢
志不二節操最篤

吳善長妻劉氏合肥人夫故氏年二十三矢志撫孤卒年六

十六

徐明震妻胡氏合肥人夫卒氏年二十二剪髮毀容矢志不二卒年六十九

李敬簡妻劉氏合肥人年二十一夫病刲股和藥夫歿紡績奉公姑苦節終身

劉維藩妻夏氏合肥人少寡無出苦節數十年年七十無疾而卒

庠生劉炕妻張氏合肥人氏有疾張父復以次女妻炕生子國正甫離襁褓而炕卒姊妹偕守教子成立一門雙節四十餘年

王迪康繼妻王氏合肥人孝事翁姑康卒氏矢節撫孤視前

妻子景曾無異所生

徐君瓚妻李氏合肥人君瓚往浙省父舟覆溺死氏甘貧守節撫過歲子汝漸成立年八十八而卒僕人徐立隨君瓚溺死其婦亦矢志不二年至七十

徐依中妻婁氏合肥人年二十夫故撫遺腹子貧居四十載鄰里不聞其聲年七十餘

宋林若妻沈氏合肥人夫故氏年十九家極貧以女工餬口苦節四十餘年

王越勝妻王氏合肥人夫病氏割肝救之獲愈後夫故苦節三十餘年而終

張士聰妻方氏合肥人夫溺死婦年二十二遺腹生子紹文

饑寒困苦矢節三十餘年

李成遠妻王氏合肥人夫多病婦二次剖股療之年二十三夫故婦紡績灌園以奉翁姑有勸其他適者婦斷髮白誓竝勒石夫墓以誌不移

沈少亭妻劉氏合肥人年二十七夫亡矢節

丁聚華妻吳氏合肥人年二十九夫亡事姑撫子備歷艱辛卒年七十二

童景海妻樂氏合肥人年二十孀居守節教子成立壽九十
七

庠生楊大璋妻童氏合肥人夫卒氏年二十三無子奉舅姑撫二女節操堅貞壽八十六

羅文炳妻楊氏合肥人夫故無子以姪嗣亦早逝撫育幼孫苦節六十餘年壽九十餘

李從蕙妻王氏合肥人從蕙卒氏年二十三子甫週歲舅與伯夫婦先後歿氏撫孤暨伯子成立子媳復俱亡依侄同居上奉繼姑下育幼孫閱四十餘年鄉里稱之

沈君育妻董氏合肥人夫卒氏年二十三苦節終身

貢生陳夢正妻趙氏合肥人夢正卒氏年二十無子以姪爲嗣孝養翁姑備嘗艱苦

魏麟若妻武氏合肥人年三十四夫卒苦節數十年

李荇妻姚氏合肥人適荇二載而孀食貧苦守閱四十餘年庠生喻金枝母何氏合肥人年二十九夫亡子甫離襁保守

志教子成立壽至八十

陳淵若妻李氏合肥人年十八夫亡子甫月餘氏誓死撫孤
年七十七

庠生趙徵妻汪氏合肥人年二十夫故事孀姑撫幼子茹荼
二十餘載

葉秀伯妻毛氏合肥人年二十夫卒貧不能葬氏紡績茹苦
歷二十餘年積貲卜地葬夫爲之立碑竝畱穴其傍以俟
死焉

汪華宇妻周氏合肥人年二十而寡撫孤子成立娶媳王氏
子復早歿王氏奉養孀姑一門二節周年至七十壬年至
五十

國學陳夢祥妻謝氏合肥人夫病刲股莫救氏年二十遺孤履恭甫八月氏矢志撫孤俾得成立

黃文采妻王氏合肥人年二十四而夫卒氏柏舟自矢教子有方家道賴以不墜鄉里傳之

文學高士冲妻周氏合肥人年三十夫歿矢志守節撫幼子備歷艱苦六十餘年

文學高滋社妻沈氏合肥人夫歿氏年二十四長子本顯甫三歲次子生未滿月矢志撫孤脫簪珥延師教子本顯戊寅拔貢

楊岫雲妻沈氏合肥人夫歿年十九一子方週歲氏奉衰姑孝養盡禮年六十餘

趙觀乙妻蕭氏合肥人夫死矢節撫孤五十餘年間節
鄉里咸式焉

文學七蔚妻汪氏合肥人年十九夫卒紡績以奉公姑撫幼
子成立苦節四十餘年

王樓妻胡氏合肥人年十八適樓四載不育勸夫納妾張氏
生一子未週夫歿二婦矢節共撫子成立胡病張刲股和
藥而食閱四十餘年相繼而歿

張公翺妻程氏合肥人年二十四夫病刲股進藥及歿遺子
方襁褓家貧紡績撫子婚娶足不逾闕矢志以老

庠生沈應秋妻龔氏合肥人夫歿年二十九矢志守孤子沈
樹濤由黌宮俱貢入成均壽七十餘無疾而終

翟曇妻葉氏合肥人曇性曠達不事生產及死家道益落二子喬良方在襁褓氏暮織晨炊艱苦備歷質簪珥以延師教子成立閭里咸推爲懿範云

唐希白妻沈氏合肥人年十九夫歿生遺腹子氏奉孀姑撫孤子恐傷姑心唯深夜飲泣後姑又歿氏淚盡繼以血營葬三棺日抱孤子而慟竟以哀死

湯銓妻孟氏合肥人年二十四歲夫病刲股療之及夫卒家貧撫孤成立茹苦終身

龔時妻龔氏合肥人夫死氏年二十五方貧矢節撫過歲子勳成立入邑庠

陸選妻洪氏合肥人年二十三夫歿無子立姪爲嗣勤紡紉

以養衰翁甘貧守志

張延璐妻龔氏合肥人年二十八夫歿氏誓死守節奉孀姑以孝聞

陳伯禮妻高氏合肥人夫亡年二十七歲無子孤苦異常紡績養姑嘗自忍飢而堂上必具甘旨里人咸服其節孝

監生龔華妻楊氏合肥人年二十歲夫亡矢志撫孤子復天氏奉孀姑終養郡守姚旌以額

魏其智妻趙氏合肥人年十九生子甫週歲夫歿氏孝事衰翁邑令旌以額

李生泰妻陳氏合肥人年二十九歲夫歿矢志撫孤子時亨成立補郡諸生苦節四十餘年

方太占妻郭氏合肥人夫亡氏年二十八衰翁在堂遺孤襁褓氏惟以鍼紉自給仰事俯育

張秉忠妻徐氏合肥人忠卒氏年二十六遺孤星煥甫數月事翁姑撫稚子成立曾于冬夜被盜氏衛姑救子受重創幾斃人稱其節烈

池魯澤妻丁氏合肥人年二十澤故遺孤甫週歲家極貧氏苦守愈堅育子成立

蔡業需妻閻氏合肥人嘗刲股療愈姑病年二十六夫死氏矢節事翁姑盡孝撫遺孤成立

沈啟謙妻王氏合肥人謙亡年十九無子立姪爲嗣教以義方俾能成立撫憲梁旌以額

蔡朝聞妻薛氏合肥人夫故年二十四遺孤二家極貧氏十指爲生教二子能成立

庠生王直妻俞氏合肥人黃州節推絲孫媳也年二十四而孀無子撫二女矢志不二事公姑盡孝苦節三十五年

周永成妻沈氏合肥人年二十五而寡矢志節事姑鞠子甫娶媳生孫而子與孫相繼歿氏偕子婦胡氏茹苦相依至六十三歲卒

張觀符妻李氏合肥人年十九夫亡產遺腹子俊教以義方早得成立

殷仲友妻邱氏合肥人夫死氏年二十二清操自矢孝事孀姑子甫成立又亡氏境益苦節益堅

庠生張桓妻陳氏合肥人夫死事尊嫜育幼子獨任家務撫諸小叔讀書先後入泮年六十三終

周佩妻衛氏合肥人夫亡年二十三無子撫姪爲嗣又天依一女事公姑終養苦節三十餘年

宋禹章妻葛氏合肥人年二十三而寡事上育下心力交瘁至四十而歿里人哀之

葛士鐸妻沈氏合肥人夫歿年二十六無子立姪爲嗣撫之成立

張廷芳妻李氏合肥人夫亡氏年二十二遺二子饑寒交迫苦志不易二子皆成立

周明智妻姚氏合肥人年二十五夫死孤子方五齡氏矢志

撫孤成立仲孫媳郭氏季孫媳李氏以十九歲而寡皆矢志不二一門三節冰操肅然

沙聲敬妻陶氏合肥人年二十四生子甫數月夫亡氏矢節事公姑終養至三十五歲子又亡焚苦無依鍼紉自給

李虎文妻王氏合肥人夫亡年二十三無子矢節奉翁姑克盡孝養

吳邦達妻孔氏合肥人年二十六歲夫亡姑老子幼家貧甚事上育下荼苦備嘗

庠生吳道質妻趙氏合肥人夫歿年二十六撫二子宗岱宗崙先後入泮

李瑞徵妻史氏合肥人年十九夫亡遺孤方提抱公姑焚獨

無依氏仰事俯育苦節三十年

王履純妻蔡氏合肥人年二十一夫亡紡織奉翁姑課二子成立年六十有二

孝廉張淩雲妻程氏合肥人年二十二而寡遺孤永緒甫三歲多疾氏懸纆以待誓與共生死及長其纆猶存卒年六十八歲子永緒爲郡諸生事母亦以孝聞

監生曹裔昌妻李氏合肥人夫故年二十九撫子謙成立壽逾六旬

李蘭社妻倪氏合肥人年二十三歲夫故遺孤二一甫三歲一甫五日翁姑俱邁氏養老撫幼閱盡艱辛翁姑歿喪葬成禮二子先後入泮年七十四歲

何智儒妻高氏合肥人夫歿年二十九歲遺數月孤芳昇氏
事上育下荼苦五十餘年壽至八旬而終

郁姓妻巫氏合肥人年二十八夫歿矢志事姑姑多病雖寒
冬炎暑侍疾不倦訓子女以義方子李入邑庠女適王亨
亦以節著卒年六十八歲

胡蔚文妻王氏合肥人年十九夫故遺孤國寶甫四月氏矢
節事舅姑撫子成立

高天奏妻徐氏合肥人夫死子甫週歲氏年二十二矢志事
姑姑癱瘓臥病十餘年氏晝夜扶持無倦容撫子說入郡
庠壽至八十六歲而終

楊騰秀妻李氏合肥人年十九夫亡遺娠生男羽堯育之成

立甫有二孫子婦相繼歿茹苦終身卒年六十四歲

阮橋聚妻史氏合肥人年二十五夫歿事上有下辛苦備嘗
年六十有二

胡其炯妻洪氏合肥人年十九嫁三月而寡無子以姪紹虞
嗣孝事翁姑姑病兩割臂肉和藥療之長孫樹德早歿遺
孤復天孫婦程氏年二十一冰槩自矢亦足繩武祖姑焉
田綺山妻鄭氏合肥人夫亡年二十七撫三歲孤晏早入邑
庠端品力學有文譽

朱能妻趙氏合肥人年二十三而寡無子以姪嗣矢節二十
餘年

許夢熊妻吳氏合肥人夫亡氏年二十三撫三歲孤品卓成

立孝事舅姑

程文燦妻李氏合肥人相國文定公姬女年二十三夫死守節五十二年

劉梅友妻史氏合肥人夫亡年二十歲無子以姪爲嗣仰事俯育備極茶苦守節三十餘年

太學生潘璉妻吳氏合肥人璉染癩疾人不敢近氏維持左右鑿楚刀刃弗避璉死遺一女氏撫女及小叔涓涓長甫娶沈氏又亡遺孤週歲二氏同心砥節奉姑終養未幾吳歿沈教子成立邑令李旌以額

吳暉吉妻姚氏合肥人年十九夫歿撫孤成立矢節二十餘年

吳述周妻胡氏合肥人夫早死苦守奉姑家貧無以爲活製
土坯粥餬餬口地苦狹掘坑至丈餘瓦礫峻峭過者心惻
庠生徐廷佐妻樊氏合肥人夫亡年二十六矢志撫子成立
庠生吳正妻高氏合肥人事繼姑孝姑病目繼盲氏日夕以
舌砥之竟復明夫早逝教二子成立二子事母皆以孝聞
沈邦光妻李氏合肥人年二十五夫亡遺二子長三歲次甫
數月氏矢志奉姑鞠子姑病嘗糞撫二子成立苦節三十
餘年

黃爾兼繼室陶氏合肥人夫病刲股療之終不起氏時年二
十五矢志不移撫前妻子若孫不啻己出

謝元煥妻鮑氏合肥人年二十三夫死無子矢志不移苦守

四十餘年

楊節蒼妻蘇氏合肥人夫故年二十四事翁姑盡孝遺子英三歲撫之成立子又死撫幼孫備極艱辛

于玉琮妻湯氏合肥人夫故年十八矢志撫孤孤又夭食貧奉姑姑歿喪葬盡禮苦節三十餘年

周琨妻張氏合肥人年二十八而寡無子以姪爲嗣姪又亡偕婦張氏育襁褓雛孫荼苦共守焉

許可達妻楊氏合肥人年十七歸許甫一載而許亡矢志奉翁姑歲饑常自食糠粃及菜而以米供堂上姑病刲股愈之復延一紀翁姑歿竭力營葬皆自運土爲墳壽至七十有八

袁升之妻朱氏合肥人年十八夫歿撫孤自守苦節五十餘年

孫遠來妻陳氏合肥人夫亡年二十一事孀姑壽至九旬撫孤子宗炳成立

韋學妻許氏合肥人年十八夫死矢志苦守子已成立又天復撫孫壽至七十有五邑令王旌之

袁子成妻周氏合肥人夫亡年二十一守節

張泗州妻孫氏合肥人年二十四夫歿苦節奉翁姑終養撫子成立壽至八十

王公昭妻周氏合肥人公昭弟公亮妻王氏謝敦一妻鄭氏敦一弟魯一妻張氏張騫友妻郭氏騫友弟旭友妻袁氏

俱合肥人皆少寡守志冰操自矢上奉高堂下撫弱息一門雙節苦歷三十餘載

夏德升妻溫氏合肥人夫亡年二十二矢志奉姑育子苦閱五十餘年

王士宏妻吳氏合肥人年二十二夫歿二孤繼殤嗣一子復歿氏堅志不易奉孀姑終養姑柩在堂值鄰火氏拊棺號哭願與俱燼俄而大雨火熄人皆以爲誠孝格天云

王亨妻郁氏合肥人幼奉母教讀書年十九而孀無子以姪嗣翁欲奪其志氏斷髮破面誓死靡他矢節三十餘年

孫元輔妻周氏合肥人年二十七歲夫歿遺孤方四歲氏矢節不移撫子成立

郡庠胡志遠妻鄭氏合肥人年二十五夫死無子矢節事翁姑終養小叔幼喪葬皆自爲營辦苦閱四十餘年邑令賈旌以額

黃子玉妻喻氏合肥人夫歿年二十一守節事孀姑鞠幼子壽至七十

張禹揆妻劉氏合肥人年二十夫歿無子立姪爲嗣奉衰姑終養

周興載妻龔氏合肥人夫亡年二十二事上育下艱辛備歷閱三十餘年

鄭爲善妻黃氏合肥人年十七夫亡無子甘貧苦守奉姑終身

邑庠韋作求妻高氏合肥人夫歿年二十四矢節撫孤成立
壽至八十七邑令范旌之

鄭榮洲妻葛氏合肥人夫亡年二十四奉姑撫子守節三十
餘年

鄭匡衡妻黃氏合肥人年二十一夫故矢志撫孤艱苦備歷
艱人賢之

孫麟勛妻王氏合肥人夫歿年二十五事姑撫子苦節三十
餘年

韋子巖妻黃氏合肥人夫亡氏年十九撫週歲子傑孝事孀
姑終養年五十有五

陳綱妻余氏合肥人年二十二夫歿遺腹生男養姑撫子苦

節至八十歲卒孫彙選郡庠生早夭妻張氏二十一歲亦矢志不渝姑疾篤兩刲臂肉以進得甦

寶子成妻劉氏合肥人陳聲揚妻寶氏俱少寡無子食貧苦守孝養翁姑

劉宏訓妻湯氏合肥人年二十六宏訓早死氏守節孝事孀姑撫孤子康祚成明經

周公俊妻程氏合肥人年二十三夫歿茹荼自守奉舅姑終養撫三子成立

庠生陸爾楷妻俞氏合肥人夫亡年二十五孝事翁姑終養致哀盡禮教孤子塤入泮矢節至六十五歲卒學憲李旌之

郡庠宋光烈妻孫氏合肥人年二十夫亡氏矢節課二子成立太守姚旌之

王錫命妻張氏合肥人年二十三歲夫歿矢志撫孤甫及完娶而子又夭氏偕媳劉氏苦守孫雲入泮壽至八旬而終王之忠妻孫氏合肥人夫歿年二十家貧甚常竟日不火鄰人公助以棉數十斤氏紡績苦度撫二孤成立

趙勣妻劉氏合肥人年二十夫死無子剪髮自矢苦守終身邑令馬旌以額

黃裔三妻程氏合肥人嫁二載而夫死無子氏矢節不二奉公姑終身年五十五歲苦悶三十餘年

張美元妻程氏合肥人年二十四夫亡美元弟美士繼亡其

妻葛氏年二十一雙節竝勵事翁姑終養鞠子成立

許武仲妻瞿氏合肥人年十九生子三月而武死子甫成立
又天氏堅志不移孝事翁姑當事旌之

程日曜妻徐氏合肥人年二十七夫死撫三歲子奉舅姑終
身壽至七十八歲

沈元迪妻徐氏合肥人年十九夫亡氏矢節事衰姑育穉子
飲冰茹檠三十餘年而卒

萬登雲妻柳氏合肥人夫歿年二十一矢死靡他紡織爲活
撫嬰兒成立

沈長文妻陳氏陳文堯妻段氏俱合肥人夫亡年俱未踰二
十其居相近貧苦亦同荒年採榆皮爲食矢節不易撫遺

孤成立

農民袁爾還妻梁氏合肥人年十九夫死撫週歲子堅志苦
守奉翁姑終養

陳勳祿妻牛氏合肥人事孀姑能得其歡心夫病刲股獲愈
後夫歿掩柩於舍值鄰火氏號慟誓與俱焚忽風返燄熄
其居獨存太守馮額曰孝行矜輦子定國郡庠亦以孝謹
聞

斯汝麟妻黃氏合肥人年十六歸汝麟甫及一載麟臥病不
起氏侍疾十餘年無倦及歿家徒四壁氏艱苦萬狀教子
曉讀書曉性孝年二十二妻亡不再娶

胡其相妻何氏合肥人子歸甫數載其煩卒氏年二十無子

撫姪爲嗣敬事衰姑家道中落氏親操井臼苦節終身

王脩遠妻李氏合肥人夫早逝氏矢節奉翁姑終養撫二子成立苦守今二十六年

劉場之妻方氏合肥人姑嘗病氏割股療之獲愈後勗亡守節以終

應士彥妻翟氏合肥人年十九守節孝養翁姑課子之霖早歲遊庠苦節四十三年雍正八年請旌

完振賴妻郭氏合肥人年二十九夫亡撫孤成立苦守二十餘年雍正八年請旌

浙江學政程汝璞妻沈氏合肥人年二十七汝璞故氏矢志不二事姑吳太恭人與嫡徐恭人咸得歡心撫子成立守

節四十九年雍正九年請旌

鄒嶽妻羅氏合肥人夫亡年二十五守節四十七年雍正五年請旌

丁方磯妻王氏合肥人年二十四夫亡奉姑終養撫子成立雍正四年請旌

湯斯震妻魯氏合肥人年二十一夫歿遺孤週歲上有衰姑三代艱苦氏上事下育守節五十七年乾隆三年請旌
湯帝載妻陸氏合肥人歸二載夫歿年甫二十遺腹生男誓死撫孤守節五十三年乾隆八年請旌

方世璜妻瞿氏合肥人夫病臥二載氏侍湯藥無閒及歿氏年二十二痛絕復甦矢死不二奉孀姑二十餘載養葬如

禮撫嗣子楷成立守節四十九年乾隆十七年請旌

邑庠許泰卓妻龔氏合肥人年二十三夫歿矢節撫孤成立
入郡庠有聲乾隆十一年請旌

候選學博徐長安妻王氏合肥人年二十三夫故奉翁姑終
養喪葬盡禮撫教二子成立卒年四十八歲乾隆二年請
旌

周之孔妻包氏合肥人年十九夫歿遺三月孤食貧守節五
十餘年乾隆六年請旌

辛未進士商河令王裒合肥人妻吳氏全椒人夫故氏年二
十七孝事孀姑終養喪葬盡禮教諸子有方長元齡十三
入邑庠有文譽氏毓望族知書明禮節持家嚴肅乾隆元

年請旌

楊龍妻徐氏合肥人年二十四夫亡無子翁姑皆適氏奉事盡禮乾隆四年請旌

王玉模妻宋氏合肥人年二十夫死無子遂絕粒翁姑訓以大義乃復食撫姪夢卜爲嗣苦守盡子婦職以孝謹聞乾隆七年請旌

章天敘妻張氏合肥人年二十五夫死孀姑在堂氏生養死葬盡哀盡禮撫孤子成立乾隆八年請旌

朱緯妻褚氏合肥人夫病刲股救之不效時年二十五歲生子站方半月矢志養姑鞠子艱苦閱二十餘年乾隆五年請旌

監生蘇璉妻周氏合肥人年十九夫歿無子事舅姑待叔生子立嗣苦守終身乾隆五年請旌

上元學訓廖世瓊妻王氏合肥人年二十九夫亡遺孤躅芳宏鑰俱襁褓氏奉翁姑終養撫二子成立副室王氏宏鑰母年甫二十冰操共勵一門稱雙節焉乾隆八年請旌

吳宗潮妻孟氏合肥人年二十夫亡無子立姪爲嗣矢節三十三年乾隆九年請旌

徐璫妻滕氏合肥人年二十一夫亡矢節奉翁姑終養撫子成立閨五十年乾隆八年請旌

龔惠妻周氏合肥人年十七生子廣業甫週歲夫歿氏茹荼自矢撫之成立乾隆六年請旌

董瑛妻臧氏合肥人年十九生子甫八月夫歿奉翁姑終養撫子成立乾隆五年請旌

郭羽林妻夏氏合肥人甫十七而寡遺腹生子世德氏青年勵志白首全貞守節五十三年乾隆十一年請旌

孝廉程日曙妻王氏合肥人年二十七而寡事舅姑曲盡孝養舅歿伴宿姑房三十餘年教三子成立長坦入泮居嘗好善樂施里人有鬻妻者氏爲償其值令得完聚年六十三年卒

以上合肥志